

說  
文  
字  
通

說文字通 卷十二

吳縣高翔麟著

乙 元鳥也本體作乙或體作𠂇象形鳥轄切○此與  
甲乙之乙少異其形舉首下曲甲乙之乙篆文作  
乙○通軋陸機文賦思乙乙其若抽一本作軋軋

不 鳥飛上翔不下來也象形方久切○通拊與專附  
跌等字𠂇通詩鄂不韡韡鄭氏曰不當作拊拊鄂  
足也夾漈曰不象華萼蒂形與專通疏拊作附又  
作跌○通鄙荀子賦篇君子所敬而小人所不者  
與注小人所鄙也按論語予所否者論衡引作鄙  
說文不本作否音也又阮籍詩不翼共翔翔不翼  
卽比翼也蘇氏采才老諸說以論語何用不臧爲  
否臧否比聲亦近古人口齒如此故數字可互通

說見通雅○通彪姓也晉書汲郡人不準轉注畧  
曰不悲虬切與彪同○通丕見前丕字注○按正  
字通不字在入聲者方音各殊或讀爲逋入聲或  
讀爲杯入聲司馬溫公切韻圖定爲逋骨切其音  
始定

璽

忿戾也从至至而復遜遜遁也周書曰有夏氏之

璽

民叨璽今尚書作憤借也丑利切到也从二至人質切○正字通卽刃切音進前往

也○通臻春秋元命包醜璽璽注音臻至也○汗  
簡又以爲日字

西

本體作𠂔或體作棲古文作𠂔籀文作𠂔鳥在巢  
上也象形日在西方而鳥棲故因以爲東西之西

先稽切○玉篇又作栖○艸名詩如彼棲苴傳水  
中浮草也

鹵 西方鹹地也从西省象鹽形郎古切○通櫓漢項  
藉傳流血漂鹵注鹵盾也左思吳都賦干鹵受鉞  
○通撈方言鹵奪也漢高帝紀毋得掠鹵衛青傳  
車輜畜產畢收爲鹵鹵與撈同○通爐道樞元和  
子曰鼎鹵天地之象也注鹵爐也

鹹 銜也北方味也从鹵咸聲胡覓切○韻會又音減  
李時珍曰鹹音咸潤下之味音減鹽生之名後人  
作鹵作鹹是也

鹽 鹹也从鹵監聲余廉切○又牛兩賺上也甯戚相  
牛經陽鹽欲得廣○通鹽見前鹽字注按古樂府  
昔昔鹽神雀鹽諸名並讀作鹽鹽卽古曲前之鹽  
如吟行曲引之類是也

戶 古文作床護也半門曰戶象形侯古切○通護湯  
樂名揚雄蜀都賦戶音六成○又烏孫國名淮南

子作戶孫

戾

輜車旁推戶也从戶大聲讀與鈇同徒蓋切○與戾字異說文犬部戾訓曲也

扃

外閉之闕也从戶同聲古熒切○又車橫木也春秋傳楚人碁之脫扃○通鉉儀禮士喪禮右人左執七抽扃注今文扃爲鉉

門

聞也从二戶象形莫奔切○按注聞也御覽引作捫釋名門捫也言在外爲人所捫摸也似从捫義

長○漢藝文志逢門射法二篇注卽逢蒙荀子正論羿逢門者天下之善射者也蒙然作門

闔

闔謂之槀槀廟門也从門詹聲余廉切○徐鍇曰今俗作櫺

闕

巷門也从門左聲戶萌切○通絃禮月令其器圓以闕注闕讀如絃○通弘老子銘含闕光大易坤

卦語本作弘

閨特立之戶上圓下方有似圭从門圭聲古携切○

閤門旁戶也从門合聲古沓切○爾雅釋宮小閤謂之閤○按古閤閤字無有作閤者史記汲黯傳卧

閤閤內不出漢文翁傳教令不出閤閤曹全碑廷曹廊閤孔扶碑東閤祭酒以閤為閤自漢魏以後

始○說文閤所以止扉也與閤異徐鍇曰弋長者謂之閤所以止扉即今云門頰扇也今爾雅釋宮

所以止扉謂之閤匡繆正俗引爾雅作閤又引左傳高其閤閤作閤閤為閤字之譌無疑

閤或體作閤里中門也从門召聲余廉切○博雅閤謂之術○方言食閤勸也或謂之愆通

闕門觀也从門歟聲去月切○通掘春秋傳若闕地及泉又闕地下冰而牀焉掘堃作闕

闔 門扇也。一曰閉也。从門，盍聲。胡臘切。○一曰苦也。周禮：園師茨牆，則翦闔。注：闔，苦也。○通：盍，莊子列御寇：闔胡當視其良。釋文：闔，語助也。

闔 門楯也。古文作闔。从門，或聲。于逼切。

闔 開也。虞書曰：闔四門。一作開。从門，辟聲。房益切。○通：辟，周禮：闔人出入，則爲之闔。釋文：闔本又作辟。避也。

開 張也。古文作開。从門，开。苦哀切。○通：闔，漢倪寬傳：發社闔門。師古注：闔，讀與開同。韓勅碑：前闔九頭。又後碑：大帝闔門開。並作闔。

開 大開也。从門，可聲。大杯亦爲開。火下切。○徐鍇曰：書傳多言豁開也。按徐所引本史記相如傳語索。

隱曰豁間空虛也○集韻倚可切同闕按說文闕

闕

古文作開隙也○義異或省作開耳  
也○古文作開隙也○正字通開隙也○月門夜閉見月是有開隙  
也○古開切○正字通開隙也○月門夜閉見月是有開隙  
岳開居賦清穆敞開本作開吳棫韻補引賦改作  
開字彙引入開字注按說文開訓闕也○又古莧  
切隔也○廁也○爾雅釋言開倪也

關

以木橫持門戶也○從門第聲古還切○一曰索也  
史記封禪書因巫爲主人關飲食○通變左傳將  
注豹則關矣注關引弓釋文烏環反

關

也○關下牡也○從門龠聲以灼切○徐鍇曰今人作鑰

闕

盛兒○從門真聲待年切○通顛見前顛字注○通  
寔漢游俠傳人無賢不肖闕門師古注闕讀與寔



同

關

妄入宮掖也从門絲聲讀若關洛干切○徐鍇曰律所謂關入也

門

登也从門二古文下字讀若軍陳之陳言自下而登上也故从下商書曰若升高必自下直刃切

閔

弔者在門也从門文聲古文作憫今別作憫非是眉殞切○通愍儒行不閔有司釋文閔本亦作愍

○通縈穀梁僖二十三年傳齊侯伐宋圍閔左傳作縈

耳

耳垂也从耳下垂象形本體作耳秦公子輒其耳下垂故以爲名陟葉切

聃

或體作聃耳曼也从耳井聲他甘切○徐鍇曰耳無輪郭也

耿

耳箸頰也从耳珪省聲杜林說耿光也从光聖省凡字皆左形右聲徐鍇曰凡字多右形左聲此說

或後人所加或傳寫之誤古杏切○按周禮賈公彥六書疏云書有六體形聲實多江河之類左形右聲鳩鵲之類右形左聲草藻之類上形下聲嬖娒之類下形上聲圓國之類外形內聲閔衡辯戚盆羸之類內形外聲是杜徐說均未足據○通簡蜀志簡雍傳注雍本姓耿幽州人謂耿爲簡遂隨音變之○集韻俱永切本作炅

聊耳鳴也从耳卯聲洛蕭切○木名爾雅杙者聊○通騶漢地理志華聊綠耳之乘華聊卽騶也聽聆也从耳惠王聲他定切○集韻聽受也中庭曰聽事言受事察訟也今俗作廳毛氏曰六朝以來始加厂○亦作𦇧亢倉子耳𦇧目𦇧注𦇧古聽字

聞知聞也从耳門聲無分切○古文作𦇧與𦇧字異𦇧今書作𦇧○玉篇古又作聿虞世南廟堂碑似

聿簫韶之響从采采古辨字也○通問漢匡衡傳  
淑問揚乎疆外

聾聾也从耳貴聲或體作聾五怪切○徐鍇曰謂從  
生即聾也

聾或體作聾軍戰斷耳也从耳或聲古獲切○爾雅  
釋詁聾獲也經典多作聾字

聾安也从一耳丁帖切○馬融長笛賦瓠巴聾柱

臣籀文作𡗗今作頤从篆文𡗗也象形與之切○姬  
臣字从此

臣廣臣也从臣已聲與之切○古文作𡗗今俗作牀  
史切以爲階𡗗之𡗗○汗簡又以臣爲熙字出尚  
書

手拳也象五指之形書九切○古文作𡗗與𡗗字異  
說文𡗗訓背吕也古懷切○一曰執也檀弓子手

弓而可

拳

手也从手𠂔聲巨員切○正字通握手謂之拳○通考漢司馬遷傳士張空拳注拳弓弩拳也○通

史記孫武傳夫解雜亂糾紛者不控捲索隱注捲卽拳也

擊

手擊也揚雄曰擊握也从手取聲烏貫切○今挽字从通腕史記封禪書搯挽字漢書作搯擊○或省作擊非擊說文訓固也苦閑切

攴

好手兒从手攴聲詩曰攴攴女手今詩作攴攴所咸切○集韻从攴與擊通

揖

攴也一曰手箸臂也从手耳聲伊入切○通輯漢郊祀志揖五瑞虞書作輯

褰

褰衣也从手褰聲去虔切○通褰詩褰裳涉溱繫傳引詩作褰

擡舉手下手也从手壹聲於計切○與揖同周禮大祝肅拜注今時擡是也釋文擡於立反卽今之揖  
○潘岳賦率軍禮以長擡

攘推也从手襄聲汝羊切○通讓漢禮樂志盛揖攘之容注攘古讓字○通讓詩小雅攘其左右箋攘讀爲讓

擗首至地也从手擗聲音忽進趣之疾也故以之古文作擗今作拜从兩手下揚雄說博怪切○艸名爾雅拜商瞿○通扒詩勿翦勿拜王應麟詩攷引作扒扒與捌同無齒杷也

摧擠也从手崔聲一曰捫也折也昨回切○通莖斬芻也小雅摧之秣之箋摧今莖字○通催詩室人交徧摧我說文引作催徐氏紀產碑五內催碎摧亦作催

拉

摧也从手立聲盧合切○通擻公羊傳莊元年擻

幹而殺也史記齊世家作拉○通摺史記范雎傳

扶

折脇摺齒索隱注摺力答反拉折其齒也汗簡摺

古文作𠂔左也从手夫聲防無切○通膚投壺室

中五扶注扶與膚同公羊傳扶寸而合注側手曰

手

扶按指曰寸今作膚○通甫檀弓引詩扶服救之

扶風本作匍匐○通蟠漢天文志晷奢爲扶注鄭

揜

氏曰扶當爲蟠齊魯之間聲如哺○集韻與芙通

揜

扶也從手𠂔聲七良切○玉篇古文將字

揜

爪持也从手瞿聲今俗作掬非是居玉切○按瞿

作掬

非聲似當从瞿省聲

揜

或體作揜急持衣衿也从手金聲巨今切○今俗

挾

俾持也从手夾聲胡頰切○通泱周禮大宰挾日而歛之釋文又作泱同荀子正論篇方皇周挾注

挾讀爲泱○正韻與夾同亦持也○通折史記張

儀傳秦折韓而攻梁索隱曰戰國策作挾

握

古文作臺搯持也从手屋聲於角切○通幄周禮巾車組總有握注如今駟車是也釋文馬作幄○通渥見前渥字注○通屋見前屋字注

把

握也从手巴聲搏下切○通爬漢貢禹傳農夫梓州把土注把手掎之也○通弭曲禮左手承弭疏弣把中也釋文音霸手執處也

搯

把也从手鬲聲或體作抗今通作扼於革切○儀禮喪服苴經大搯注盈手曰搯搯抗也中人之抗圍九寸○通搯史記劉敬傳與人鬪不搯其肱索隱注搯音厄

拏 牽引也从手奴聲女加切○通拏宋玉九辨枝煩  
拏而交橫注拏一作拏按說文拏訓持也亦女加  
切二字音同韻會拏又女居切二字分入魚麻韻  
六書故諸韻書多合爲一其實拏亦有女居切音  
二字義既可通亦尗有兩音也

扚 拈也从手𠂔聲丁愜切○此卽捻字也說文無捻  
字新附乃有之

按 下也从手安聲烏肝切○通遏大雅以按徂旅釋  
文本又作遏○通案見前案字注

扞 拊也从手百聲普百切○今俗作拍拍張手搏戲  
也○通膊也周禮醢人其實豚拍注司農云鄭  
大夫杜子春皆以拍爲膊

掇 把也今鹽官入水取鹽爲掇从手音聲父溝切○  
通裒易君子以裒多益寡古周易作掇南齊竟陵



王守宰務在哀克卽詩培克也○通剖莊子肱篋

篇培斗折衡○通踣仆也史記呂后紀培兵罷去

○通培姓也史記袁盎傳乃之培生所問占注秦

捉

搯也一曰握也从手足聲側角切○徐鍇曰春秋

傳叔武聞君至捉髮走出今或借作握

揄滅也从手前聲卽淺切○一曰竊也徐鍇曰春秋

揄

傳楚王曰姑媯滅此借剪字按傳係齊侯語非楚

王○通雅以揄卽剪字前从刀複乃俗字也史記

成王病周公自揄其蚤唐李愬曰吾先人曾以揄

大盜與正字通說同○通昔莊子外物篇昔滅釋

文昔亦作揄子淺反

帶

或體作桮撮取也从手帶聲都計切○張衡西京

摶

賦摶飛翾○集韻以爲古拓字

摶

引取也从手孚聲步侯切或體作抱今作薄報切

以爲裏裏字非是○古孚與包通如左傳浮來公

穀作包來飽古文作𦵏可互證說詳前孚字注○  
通哀詩原隔哀矣繫傳引詩作捋○通拋棄也史  
記三代世表姜嫄生后稷抱之山中注抱普茅反

承

奉也受也从手从卩从攷署陵切○通拊列子黃  
帝篇使弟子然流而承之注出溺爲承卽拊也○

通贈文王世子贈賻承含注承讀爲贈聲之誤也  
○集韻或作季又作承

接

交也从手妾聲子葉切○通捷內則世子生接以  
太牢注接讀爲捷勝也○通扱周禮廩人共其接

盛注接讀爲扱扱以授春人春之○通娶然通𦵏  
周禮縫人衣袷柳之材注故書娶作接鄭司農云

接讀爲𦵏

撫

安也一曰循也古文作𦵏从手無聲芳武切○通  
拊詩拊我畜我春秋傳王巡三軍拊而勉之拊然

與撫同汗簡本以拊爲古撫字

揣

量也度高曰揣一曰捶之从手揣聲徐鍇曰與揣聲不相近如喘遄之類皆當从瑞省初委切○通

團見前團字注○通搏史記賈誼服賦何足控搏漢書作控揣注揣與搏通

擯

習也从手貫聲春秋傳曰擯瀆鬼神今傳作貫古患切○說文無慣字擯卽慣字也

擿

搔也从手適聲一曰投也直隻切○徐鍇曰列子指擿無痛痒○按此卽古擿字也莊子擿玉毀珠

一作擿史記荆軻傳引匕首以擿秦王注與擿同古字耳○杜通提史記絳侯世家太后以冒絮提

文帝索隱注蕭該音底提者擿也

標

擊也一曰挈鎗壯也从手票聲符少切○又麾也孟子標使者出諸大門之外○又匹交切棄也與

拋同說文無拋字新附乃有之左傳通用標詩標

据

有梅標落也○通芋見前芋字注

戟据也从手居聲九魚切○徐鍇曰詩于手拮据

摘

以戟据為拮据之通聲○通據漢揚雄傳三摹九据注据今據字又酷吏傳贊趙禹据法守正

拓果樹實也一曰指近之也从手啻聲徐鉉曰當

拏

不必从適省啻亦有適聲見前啻字注

本體作拏束也从手秋聲詩曰百禄是拏今詩作

拏

適即由切○通愁禮鄉飲酒義秋之為言愁也注

說文

卷十二

愁讀為拏飲也○按說文韋部難字下有拏字為

字通

十

傳作隕○按耘與隕本通戰國策折清風而耘矣  
注耘下也如折然史記東越傳不戰而耘漢書作  
隕今史俗本作耘譌

瘳

引縱曰瘳从手瘳省聲尺制切○徐鍇曰周易牛  
瘳今作掣○按說文無掣字此卽掣字也

拏

固也从手取聲今別作恆非是讀若詩赤烏拏拏  
今詩作几几苦閑切○通章史記鄭世家襄公肉  
袒拏羊以迎汗簡拏古牽字

舉

對舉也从手與聲居許切○今通作舉與舉字訓  
同音異正字通舉本作昇說文舉昇字𠂔以諸切

也○又古文作𠂔三代鼎彝多作此字見韻石齋  
筆談

揚

古文作𠂔飛舉也从手易聲與章切○姓也揚雄  
自序周宣王子尚父封侯因氏

拊 上舉也或體作橙今別作拯非是从手升聲蒸上聲○通振周禮職幣振掌事者之餘財注振猶拊也疏以財與之謂之拊

扮 握也从手分聲讀若粉房吻切○集韻敷文切義同又博幻切班去聲中原雅音裝扮也俗以裝飾爲打扮

攤 抱也从手難聲於隴切○今通用攤吳語攤鐸拱稽○通雍漢夏侯嬰傳面雍樹馳注雍讀曰攤○通邕爾雅釋言邕支載也疏邕又作攤

拊 拊手也今作拊从手弁聲皮變切○一音奮埽也少儀埽席前曰拊○通翻周頌拊飛維鳥釋文芳煩反○方言楚人揮棄物謂拌今俗沿誤作拊○按拌者判割也見史記龜策傳拌蚌注

拓或體作撫拾也从手石聲之石切○通撫有司徹乃撫於魚腊俎注古文撫爲挀○一音託開廣也  
楊雄甘泉賦拓迹開統

擥貫也从手眾聲春秋傳曰擥甲執兵胡慣切○一音宣通揅王制羸股肱注謂擥衣出其臂脛陸氏音義擥宜音宣依字作擥集韻擥本作揅手發衣也○通雅茲與揅同  
據相援也从手虔聲巨言切○通雅據字重其聲即據也漢書矯虔吏即矯據○又吳言以身肩物曰據

搯或體作抽引也从手留聲籀文作擣勅鳩切

擣本體作擣手推也一曰築也从手鬲聲都皓切○通綱史記龜策傳上有擣著索隱注擣著即莢著

擣古稠字

攣

係也从手絲聲呂員切○通戀漢李夫人傳攣攣顧念我注攣讀爲戀

揅

拔取也从手寒聲楚詞朝揅阼之木蘭今作寒九輦切○然與揅通

撋

探也从手覃聲他紺切○按周禮有撋人注他南反與探同

揅

推也一曰兩手相切摩也从手委聲今俗作揅非是奴禾切○按說文無妄字凡从妄字皆从委如餒之爲餒緩之爲緩可證

撼

搖也从手咸聲今別作撼非是胡感切

揮

奮也从手軍聲許歸切○一曰振去餘酒也曲禮飲玉爵者弗揮○正字通與麾撫等字然通○集



韻或作攢

攢

反手擊也从手毘聲匹齊切○徐鍇曰春秋傳攢而殺之今作批攢批本字也

括

本體作括絮也从手昏聲古活切○通筭書往省括于度釋名矢末曰括與弦相會也○通髻見前

髻字注

求

盛土于裡中也一曰擾也詩曰求之隄隄从手求聲舉朱切○又音求長兒詩有求棘七又有求其

角○通救漢董仲舒傳將以求弊扶衰注求古救字

掘

搯也从手屈聲衢勿切○通崛揚雄甘泉賦洪壺掘其獨出今注亦作崛○通窟戰國策蘇秦窮巷

掘門注掘卽古拙字○通拙史記貨殖傳田農掘業徐廣曰古拙字亦作掘○通闕見前闕字注

概滌也从手既聲古代切○通漑詩漑之釜鬻說文引作概少牢饋食禮雍人概鼎七俎康人概甑甗

捲氣勢也从手卷聲國語曰有捲勇今齊語作拳一曰捲收也今俗作居轉切以為捲舒之捲巨員切

抵側擊也从手氏聲諸氏切○徐鍇曰按史記抵掌而談梁到漑見廣絕交論抵几于地○與抵字異

說文抵訓擠也大抵字从氏不从氏

抗扞也从手亢聲苦浪切或體作杭今俗作胡郎切○按抗本有平音詩大侯既抗朱傳作居郎切蔡邕釋誨非一勇所抗與上防字叶音

拖曳也从手它聲託何切○漢嚴助傳拖舟而入水今俗作拖○通託論語加朝服拖紳說文引作託

○通褫易終朝三褫之釋文鄭本褫作拖石經拖

又作拖

拳

或體作𦣻兩手同械也从手从共亦聲周禮上臯  
合楷拳而桎居竦切○長箋以拳似混拱當从木爲

捷

獵也軍獲得也从手是聲疾葉切○一曰數也小  
爾雅二十四銖爲兩兩有半曰捷○集韻正韻𢦏

與插同曹植七啟捷忘歸之矢捷猶插也

掖

以手持人臂投地也从手夜聲一曰臂下也羊益  
切○通亦見前亦字注○又宮旁舍也漢成帝紀

闌入尚方掖門○韻會掖掖本一字今扶掖字从

手肘腋字从肉其實古腋字本作亦非从肉也

𦣻

背吕也象脅肋也古懷切○徐鍇曰背膂肉也吕  
卽膂字

脊

背吕也从𠂔从肉資昔切○通殯周禮蜡氏掌除  
𠂔注故書𠂔作脊鄭司農云脊讀爲殯死人骨也  
○少儀夏右饋注饋脊也

姬

黃帝居姬水以爲姓从女臣聲居之切○又九魚  
切通居列子黃帝篇姬將告女注姬作居

姚

虞帝居姚虛因以爲姓从女兆聲余招切○通鷄  
姚通搖漢霍去病傳爲票姚校尉荀悅紀作票鷄

王

融曲水序影搖武猛亦用票姚字也漢李夫人

傳

縹姚乎愈莊飄搖卽飄姚○通繇說苑美哉

德

乎姚姚者乎姚姚謂繇繇然也爾雅釋詁繇喜

也

孔耽神祠碑孫息教姚姚亦喜悅意古音通讀

也

說詳通雅

妘

籀文作𡇗祝融之後姓也从女云聲王分切

丑

人姓也从女丑聲商書曰無有作丑今洪範作好

呼到切○按周伯琦專以此爲好惡之好去聲趙

婚

籀文作屢婦家也禮娶婦以昏時婦人陰也故曰

妻

婦與夫齊者也從女从巾从又又持事妻職也巾

婦

服也从女持帚灑埽也房九切○通負史記高祖

嬀

婦人姓身也从女芻聲周書曰至于嬀婦今書作

屬繫傳又引作芻側鳩切○又嬀婦也清河王誄

惠于娣孀

𧈧

生子齊均也从女从生兔聲芳萬切○今作婉爾雅釋獸旼兔子也

姐

蜀謂母曰姐淮南謂之社从女且聲茲也切○今俗呼女兄如此按說文姊訓女兄也然北齊太子

稱生母爲姊姊宋時呼嫡母爲大姊姊是二字或相承通用○六書故姐古文或从也作她或从者

作娣○通娣嵇康幽憤詩恃愛肆姐徐鍇曰本作肆娣借姐字也

威

姑也从女从戌漢律曰婦告威姑於非切○今借爲威權字○通畏見前畏字注

嫂

本體作嫂兄妻也从女交聲蘇老切○通嫂王羲之書嫂妯作嫂按更叟字古通故嫂嫂字亦通

娣

或體作妯美女也从女多聲尺氏切○一音提通娣安也漢西域傳娣娣公主卽爾雅娣娣也

兄

之字通

卷十二

五

奴 古文作𡈼奴婢古之卑人也从女从又乃都切○  
水名水經注四面有水曰雍不流曰奴○集韻又  
以𡈼爲古侮字

媼 南楚之外謂好曰媼从女隋聲今俗省作媼唐韻  
作妥非是徒果切○通情爾雅釋鳥鶴鷄注一名  
墮羿疏墮古以爲懈惰字

嬖 好也从女屨聲委員切○徐鍇曰此今人所書媚  
字也說文無媚字新附乃有之

嬖 順也今作嬖从籀文从女𡈼聲力沆切○按說文  
本部下另出嬖字音同似重出又訓慕也疑卽戀  
字說文無戀字

纖 兌細也从女𡈼聲息廉切○通纖漢食貨志至纖  
至悉王吉傳纖介有不具者𡈼與纖同

委 委隨也从女从禾徐鉉曰禾穀垂穗委曲之兒故  
从禾於詭切○按注从禾亦聲也古音委與阿通  
老子云唯之與阿相去幾何偏旁从人則爲倭是  
禾得爲聲也○集韻又邕危切詩委蛇委佗於讀  
平聲

媿 順也从女尾聲讀若媚無匪切○通疊易定天下  
之疊疊說文疊字書所無當作媿○錢氏曰此古  
媿字也說文無媿字古文微與尾通堯典孽尾史  
記作字微論語微生畝漢書作尾生晦是媿卽媿  
也媿古美字詩誰侑子美韓詩作媿可證二字之  
通

如 从隨也从女从口人諸切○一曰若也同也又往  
也○通而漢五行志引左傳星隕如雨注如而也  
星隕而且雨也



嫫

奢也从女般聲今俗作婆非是薄波切○搜神記琵琶一名鞞婆○又梵言耆婆華言長壽也

媼

耦也从女有聲讀若祐于救切○或體作侑今以爲侑食字按侑食之侑古作宥也

姁

三女爲姁姁美也从女奴省聲倉案切○徐鍇曰今借榮字

妝

飾也从女牀省聲側羊切○徐鍇曰今俗作粧

嫫

巧也一曰女子笑兒从女芙聲今作妖於喬切○通天周南桃之天天說文引作嫫嫫○通話左傳

秦人降妖釋文本又作詛漢文帝紀今法有誹謗詛言之罪師古注詛與妖同

媼

女人自偶我也从女央聲烏浪切○按後漢南蠻傳名渠帥曰精夫相呼曰媼徒媼轉音印印我也

不獨女人自偶

斐

往來斐斐也。一曰醜兒。从女，非聲。芳非切。○通妃。左思《蜀都賦》：「娉江斐與神游。」注：「江斐，神女也。」

嬖

好兒。从女，奘聲。而沈切。紫切韻。又音奴。困切。今俗作嫩，非是。

嫫

過差也。从女，監聲。論語曰：「小人窮斯嫫矣。」今作濫。盧瞰切。○徐鍇曰：「女性易成濫也。」

嫫

有所恨也。从女，齒聲。徐鉉以爲齒古𪔐字，非聲。當从囓，省奴。皓切。○今通作惱。

媿

或體作愧。慙也。从女，鬼聲。俱位切。○徐鍇曰：「易慙，媿女子也。」○通醜。武梁祠堂畫象，無鹽媿女。隸釋：「以媿爲醜。」集韻：「醜，古作媿。」

姦

私也。古文作𡚦。从三女。古顏切。○𡚦與奸通。

氓

民也。讀若盲。从民，亡聲。武庚切。○通忙。《周禮》：「氓，舊本作氓。」《開成石經》以氓爲亡。民改作忙。《詩》：「氓之蚩蚩。」

卷十二

黃唐石經本作𡗗○通萌漢劉向傳民萌何以戒  
勉注萌與氓同管子高山之萌注萌民也是二字  
可互通

乂 或體作刈芟草也从ノ从乚相交魚廢切○按ノ  
右戾也房密切ノ左戾也分勿切○通𡗗亮與有  
能俾乂說文引作𡗗○通艾漢白奴傳艾朝鮮之  
旃師古注艾讀爲乂

弗 橋也从ノ从乚从韋省分勿切○通𡗗詩以弗無  
子箋弗之言被也裡祀上帝于郊禘以被除其無  
子之疾

弋 本體作𠄎檠也象折木末銳箸形从ノ象物挂之  
也與職切○徐鍇曰爾雅檠謂之杙杙弋也今釋  
宮文作檠○一曰黑色也漢文帝紀身衣弋絰

也女陰也象形羊者切秦石刻作𡗗○通雅籀文作𡗗

氏巴蜀山名岸脅之旁箸欲落墮者曰氏氏崩聞數

百里象形入聲揚雄賦響若氏隕今解嘲作𡗗承

旨切○入本體作𡗗弋支切與分勿切之入異○

通是漢地理志氏爲莊公注氏與是同古通用○

通支月支一作月氏關氏亦作燕支然見漢書

𡗗木本从氏大於末居月切○廣韻以爲古文𡗗字

氏至也从氏下箸一一地也丁禮切○通郎見前郎

字注○通桎詩維周之氏箋氏當作桎鎡之桎正

義曰說文桎車鎡也桎是鎡之別名以鎡能制車

喻大臣能制國鎡又作轄○通抵漢書大抵多作

大氏左思三都賦作者大氏舉爲憲章抵亦作氏

○通低漢食貨志皆氏首仰給師古注氏首猶俯

首

戎

兵也本體作或从戈从甲如融切○通扔前漢古

戟

有支兵也今省作戟从戈戟讀若棘紀逆切○通棘周禮掌舍爲壇壝宮棘門注以戟爲門左傳子都拔棘以逐之注棘戟也又明堂位越棘亦同

戲

三軍之偏也一曰兵也从戈虛聲香義切○通麾史記項羽紀諸侯罷戲下各就國注同麾○通犧周禮司尊彝兩獻尊注鄭司農云獻讀爲犧釋文本或作戲注作犧同○通義見前義字注○廣韻古文以爲呼字

或

邦也从口从戈以守一一地也于逼切今俗作胡國切以爲疑或不定之意或體作域無復或音

戡

刺也从戈甚聲竹甚口含二切○通戣書西伯既

戣

黎說文引作戣○通堪爾雅釋詁堪勝也注引

戣

書曰西伯堪黎又漢五行志王心弗戣注戣古堪

武

字是堪戣戣三字通也○通龕見前龕字注

滅也从戈晉聲詩曰實始戣商今魯頌作翦即淺

戣

皆以止為聲

戣

止戈為武也文甫切○鄭夾漈曰武非从止乃止

戣

聲也古文舞作習撫作岐廡作底有無之無作止

戣

皆以止為聲

七

戣

藏兵也从戈聿聲阻立切○通葦曹全碑戣治廡

戣

屋戣與葦同

戣

關从戈从音之弋切○惠氏曰易盍簪虞氏作戣

戣

古有笄無簪也戣與埴同義禹貢赤埴康成作戣

七

戣

徐鄭王皆讀為熾埴黏土詩俶載南畝鄭讀為熾

戣

留方言入地曰熾反州曰留熾即戣也○按集韻

戣

留方

戣

言入地曰熾反州曰留熾即戣也○按集韻

七


言  
戡一音式吏切黏土也


戔  
斧也从戈レ聲今俗別作鉞非是王伐切○汗簡  
以爲越字

我  
施身自謂也或說我頃頓也从戈从手牙或說古  
垂字一曰古殺字古文作戔五可切○按頃頓義  
與俄同儀古讀俄魯峻碑蓼義作蓼義衡方神祠  
蔣君諸碑蓼義作蓼義揚子太元經出我入我  
注讀如台台余古一聲余又通吾駟虞一作駟吾  
石鼓文避字卽我字吾我一聲之轉蓋古音然通  
也

義  
已之威儀也从我羊宜寄切○墨翟書作義○通  
誼見前誼字注○通儀漢鄒陽傳義父之後應劭  
注邾儀父也○通宜周禮殺人而義者史記君義  
嗣然魚羈切作宜○按古義字音俄詩菁義儀叶

阿書洪範義叶陂說文本宜奇切趙凡夫改作宜寄切耳

琴禁也象形古文作今作琴巨今切○山海經冬夏播琴猶播殖也

瑟古文作弦樂也从瑟必聲所櫛切○通璆詩瑟彼玉璆說文引作璆○通虱戰國策以幾瑟之存焉史記作蟻虱○通索見前索字注

區踣區藏匿也从品在匚中品衆也豈俱切○左傳楚文王作僕區之法○又烏侯切量名○通勾禮記區萌達注屈生曰區卽月令勾萌字也

匱側逃也从匚兩聲徐鉉以爲非聲義當从內會意一曰箕屬盧候切○汗簡以爲陋字

医盛弓弩矢器也从匚从矢國語兵不解医於計切○汗簡以爲翳字見古爾雅



匹

四丈也从八𠂔八揲一匹八亦聲普吉切○小爾雅倍兩謂之匹今俗作疋○通驚曲禮庶人之摯匹注匹讀爲驚

匚

受物之器象形讀若方府良切○與匚字異匚从匚上一覆之胡禮切區匱等字从之匚本古方字借爲受物器也○通雅又以爲古筐字

匡

或體作筐飯器筥也从匚圭聲去王切○一曰目匡也通匪史記淮南王傳涕滿匡而橫流

匪

器似竹筐逸周書曰實元黃于匪从匚非聲非尾切○通分周禮太宰匪頒之式注匪分也廩人以待國之匪頒注匪讀爲分

匱

匣也从匚貴聲求位切○韻會或作鑰俗作櫃○通簣漢王莽傳成在一匱卽一簣也

匱

匱也从匚賣聲徒谷切○一作積漢楊王孫傳窆

柩

棺也从木从匚久聲曰救切○籀文作匱周禮喪

曲

本體作留古文作𠂔象器曲受物之形或說蠶薄

曹陳兩世家

留

本體作由古文作由東楚名缶曰留象形側詞切

周禮染人注翟類曰留曰留留即離東方雉也

旻

周家搏埴之工也从瓦方聲讀若瓦旻之旻徐鉉

曰旻音瓦非聲分兩切○徐鍇曰今周禮作旻○

兌

兌字自

卷十二

惠氏曰注旻字說文無當仍作旻古人讀若之字

往往即用本字而以方言俗語曉之如高誘注淮

南屈讀若秋雞無尾屈之屈易讀若河間易縣之易是也

甄 旬也从瓦璽聲居延切○通雅以為古甄字○又側鄰切孫堅入洛探甄井得璽以甄與已名音叶為受命之符孫權避諱始改音真見雞肋篇

瓮 器也从瓦公聲烏貢切○今作甕說文無甕字即此字也○正字通作甕婁壽碑棧樞甕牖

甕 小孟也从瓦死聲今俗別作甕非是烏管切○玉篇亦作盪

弓 以近窮遠象形古者揮作弓居戎切○通肱公羊傳黑弓以溫來奔左穀傳然作肱○通穹史記天官書穹閭索隱注一作弓閭

弭 或體作𢶏弓無緣可以解紛者从弓耳聲絲婢切○按注繼紛字御覽引作驂觚○通彌漢李廣

傳彌節白檀韻會通作弭

弭

角弓也从弓冃聲鳥冬切○通駢詩駢駢角弓釋

引

開弓也从弓一音哀是引應从一得聲也

弛

或體作弛弓解也从弓从也施氏切○通施周禮

弛

遂人遂師遂大夫土均施舍字凡五見注然讀爲

弛

弓衣也从弓从𠂔𠂔垂飾與鼓同意土刀切○通

韜莊子徐無鬼從說之則以金版六弛注周書篇

弼

本體作弼或體作弼古文作弼作弼輔也重也从

兌

文字通

卷十二

輔弼之士

𦍋

𦍋庚也从弦省从盤讀若庚卽計切○徐鍇曰漢書用此爲庚字

妙

急庚也从弦省少聲於霄切○集韻一笑切與妙同說文無妙字

系

繫也从系ノ聲ノ音曳胡計切或體作繫籀文作

𦍋

𦍋微也从系从帛武延切○玉篇新繫也今俗作

𦍋

隨从也从系𦍋聲今俗从𦍋余招切○通鑑詩民

𦍋

亦勞止箋𦍋役煩多釋文𦍋木又作𦍋○通山易

𦍋

坤卦其所𦍋來漸矣𦍋與由同○通猷爾雅釋詁

𦍋

道也疏引詩秩秩大猷猷𦍋音義同○通猶釋

𦍋

詁𦍋喜也注禮記詠斯猶猶卽𦍋也古今字耳○

通游

漢書叙傳陸子優𦍋文選作優游○通諠見

前書字注○通姚見前姚字注

新附

闕 闕自序也从門伐聲房越切○通用伐左傳卻  
至驟稱其伐漢車千秋傳無伐闕功勞  
闕 靜也从門昊聲徐鉉曰易窺其戶闕其無人窺小  
視也昊大張目也言始小視之大張目不見也義  
當只用昊字苦昊切

打 擊也从手丁聲都挺切○歐陽修歸田錄打字當  
滴耿切與說文合○楊升庵曰當以荅上聲  
釐 無夫也从女釐聲里之切○通釐小爾雅寡婦曰  
釐

右卷之十二

說文字通 卷十三

吳縣高翔麟著

糸 古文作𣎵細絲也象束絲之形讀若覲一蠶所吐  
為忽十忽為絲糸五忽也莫狄切○集韻又取茲  
切絲或作糸

繭 古文作𦉰蠶衣也从糸从虫繭省古典切

繹 抽絲也从糸畢聲羊益切○通驛詩徐方繹駉箋  
繹當作驛

純 絲也从糸屯聲常倫切○量名淮南地形訓里閼  
九純純丈五寸○通屯束也詩白茅純束箋純讀  
曰屯○通緇周禮媒氏純帛無過五兩注純實緇  
字古緇以才為聲史記五帝紀黃收純衣索隱注

純讀曰緇

綃

生絲也从糸肖聲相么切○一曰帆維也木華海賦維長綃○通繡詩素衣朱褱傳諸侯繡黼丹朱

中衣箋繡當爲綃綃黼丹朱中衣○通繡檀弓繡

幕魯也注繡讀爲綃○通宵見前宵字注

紙

絲滓也从糸氏聲節兮切○與紙字異說文紙訓

紉

繭滓紉頭也一曰以囊絮練也从糸圭聲胡卦切○通挂漢班固叙傳不紉聖人之問師古注紉讀

與挂同

經

織也从糸亙聲九丁切○通徑史記高祖紀夜徑

管即經管古字通用



織

作布帛之總名也从系戠聲之弋切○通幟小雅織文鳥章箋微也織也正義史記漢書謂之旗織幟與織字雖異音實同也漢食貨志旗織加其上

師古注織讀曰幟

緼

猶類也从糸強聲居兩切○一曰錢貫也漢食貨志緼緼千萬廣韻今俗作緼○通襪史記衛青傳青子在緼襪中緼卽襪也

納

絲淫納納也从糸內聲奴荅切○通內周禮鐘師納夏注故書納爲內○通軌荀子正論篇三公奉

軌持納○案說文無衲字此卽衲字也李肩吾說亦見玉篇

絕

古文作𠂔斷絲也从糸从刀从卩情雪切○按卩亦聲卩絕雙聲也

績

連也从糸賣聲似足切○古文作𦵏今俗作古行切○通績穀梁成五年傳伯宗其無績平釋文績

本或作績

縱

緩也一曰舍也从糸從聲足用切○通從見前從

傳發縱指示獸處者人也顏師古以為非蹤跡之

蹤其說未然如夏承碑紹縱先軌郭仲奇碑有山

甫之縱魯峻碑比縱豹產趙圍令碑羨其縱高外

黃碑莫與比縱漢人然以縱為蹤○又說文以蹤

俗字為非車部另出輟字訓車迹也即容切以為

蹤跡之蹤

纖

細也从糸纖聲息廉切○通纖文王世子其刑罪

則纖刺注纖讀為礪○通纖見前纖字注

紉

施絲也从糸苗聲武僊切○汗簡以為古文紉字

紵

轉也从糸紵聲之忍切○通紵周禮工人紵而昔

注紵讀為紵縛之紵

紉

急也从糸求聲巨鳩切○通膠王制養國老于東

繒

籀文作絳帛也从糸曾聲疾陵切○通鄣穀梁傳  
邾人戕繒子于繒釋文本或作鄣○又繒繳一作  
繒繳見三輔黃圖

纒

粗緒也从糸璽聲今俗別作純非是式支切

紉

純赤也虞書丹朱如此从糸朱聲章俱切○薛季  
宣書古文訓丹朱作丹紉

綰

赤繒也以茜染故謂之綰从糸青聲倉紉切○通  
綰屈也士喪禮領南上不綰注綰讀爲綰玉藻齊  
則綰結佩注屈也結又屈之

紉

帛赤白色从糸工聲戶公切○通功史記文帝紀  
服大紅十五日小紅十四日服虔注當言大功小

功○通工漢酈食其傳紅女下機師古注紅讀曰

工○通絳外戚恩澤侯表紅侯注師古曰疑紅字

當為絳劉攽曰紅縣音降紅亦有絳音○通紅見

前紅字注

緹

或體作綦帛蒼艾色从糸界聲未嫁女所服一曰

不借緹渠之切

纁

帛雀頭色一曰微黑色如紺纁淺也讀若讒从糸

纁聲七咸切○通裁漢高后文功臣表裁什二三

師古注裁與纁同○通材漢杜欽傳小冠高廣材

二寸師古注材與纁同○通財見前財字注

纁

帛駢色也詩曰纁衣如纁今詩作莢从糸剡聲今

俗別作綦非是土敢切

紃

冠卷也或體作紃从糸左聲戶萌切○一曰編磬

繩也天射禮鼗倚於頌磬西紃○通宏淮南精神

訓天地之道至紃以大注紃宏也

統

冕冠塞耳者从糸尤聲今俗別作髧非是都感切  
○一曰被識也士喪禮緇衾裹無統錢氏曰卽

今被之當頭吳中方言以被識爲當頭統當聲相

纂

似組而赤从糸算聲作管切○通續漢書叙傳纂  
堯之緒○通攢潘岳笙賦歌棗下之纂纂注古咄  
昔歌棗下何攢攢纂攢古字通

緣

衣純也从糸彖聲以絹切○通祿周禮內司服緣  
木注此緣衣者實作祿衣也祿衣御于王之服亦  
以燕居按詩邶風綠衣箋亦以爲祿字之誤

緇

小兒衣也从糸保聲今俗別作襦非是博抱切

條

扁緒也从糸攸聲土刀切○通條周禮巾車條纓  
五就注條讀爲條○類篇條或从目作韜

綫

縷也。今作線。从古文从糸，戔聲。私箭切。○漢高后

縑

縑衣也。从糸，是聲。七接切。或體作縑。○玉篇亦作

組

補縫也。从糸，旦聲。文莧切。○按此今綻字也。內則  
衣裳綻裂，紃緘請補綴。蓋衣縫解，謂之綻。補綴其

繕

補也。从糸，善聲。時戰切。○通勁曲禮急繕其怒。注

繫

戰衣也。从糸，毆聲。一曰赤黑色。繒烏雞切。○通伊

縢

縢也。从糸，朕聲。徒登切。○通縢。莊子眡篋篇唯恐

編

次簡也。从糸，扁聲。布立切。○通辦。漢終軍傳解編

髮。注編讀如辦。○集韻與縑同。交果也。

紕 車紕也从糸伏聲平秘切或體作袂作鞮○又房六切義同

絲 馬髦飾也从糸每聲附袁切或體作縹今作繁○通樊周禮巾車樊纓注樊讀如鞞帶之鞞今馬大帶左傳成二年請曲縣繁纓以朝卽周禮樊纓也

紕 世系也或體作縹从糸世聲私列切○通跽漢楊雄傳亶觀夫票禽之紕險師古注紕與跽同○廣韻亦作縹

綺 古文作縹籀文作縹縹也从糸商聲余聿切○集韻然與紕同

縹 或體作紕紕也从糸廣聲苦謫切○禮雜記注紕爲繭釋文紕又作縹

紕 粗葛也从糸谷聲綺戟切或體作怡○按俗譌从谷非

綆 十五升布也。一曰兩麻一絲布也。从糸思聲。古文作卑息茲切。

繆 菜之十絜也。一曰綆繆从糸麥聲。武彪切。○音繆。通絞檀弓衣衰而繆經疏謂絞麻爲經。漢趙皇后

傳卽自繆。純注繆絞也。○通繆禮大傳五者一物。

紕繆釋文繆本或作繆。○通繆大傳序以昭繆注。

繆讀若穆。史記魯世家太公召公乃繆卜。注古書

穆多作繆。○通繆漢相如傳繆繞王綏卽繆繞也。

○又若妙切。姓也。史記申公傳蘭陵繆生。

紕 亂系也。从糸弗聲。分勿切。○通紕。漢丙吉傳上將使人加紕而封之。師古注紕繫印之組也。堯廟碑

印紕相承。隸釋以紕爲鞅。鞅一作紕。白虎通引詩

朱紕斯皇又赤紕在股。今詩紕作紕。○玉篇與紕

同。周禮遂人六紕注舉棺索也。



綏

車中把也从糸从妥徐鍇曰升車必正立執綏所以安也當从爪从安省說文無妥字息遺切○按

禮王制諸侯殺則下小綏注綏當為綏明堂位夏

后氏之綏注綏當為綏讀如冠蕤之蕤是古綏字

多作綏也○通墮士虞禮不綏祭注綏當為墮○

通妥曲禮大夫則綏之注綏讀曰妥

彝

宗廟常器也从糸从升持米器中實也立聲以脂切古文作彝作彝○通夷見前夷字注

素

本體作縗白綴繒也从糸从叒取其澤也桑故切○通僚禮中庸素隱行怪注素讀為僚猶鄉也○通

嘑史記天官書張素為厨主觴客索隱注素嘑也

爾雅曰鳥張嘑郭璞云鳥受食之處也○通索見

前索字注

縗

縗也今作綽从或體从素卓聲昌約切○通淖莊

說文

卷十三

六

𧈧 𧈧也今作緩从或體从素爰聲胡玩切

紵 織絹以糸貫杆也从絲省升聲古還切升古文礦

虫 一名蝮博三寸首大如擘指象其卧形許偉切○玉篇以為古文虺字

蟻 側行者今作𧈧从或體从虫寅聲余忍切○爾雅釋蟲蟻銜入耳注蚰蜒銜音演又螳𧈧𧈧𧈧注江

東呼寒𧈧𧈧𧈧𧈧切𧈧𧈧𧈧𧈧切𧈧𧈧𧈧𧈧切○埤雅𧈧𧈧𧈧𧈧精無心之蟲與阜𧈧交

雖 似蜥蜴而大从虫唯聲息遺切○又助詞爾雅釋訓每有雖也○一曰推也吳語吾雖之不能

蟻 蟲食苗葉者更乞貸則生蟻从虫貸聲詩曰去其螟蟻今詩作騰徒得切俗作𧈧非是○按說文騰

字訓神蛇也徒登切

畫

蠶也从虫圭聲烏蛄切○通奎史記律書北至于奎徐廣注奎一作畫○韻會以為蛙本字

強

籀文作彊𧈧也从虫弘聲徐鍇曰弘與強聲不相近秦刻石文从口疑从籀文省巨良切○爾雅釋

蟲強𧈧𧈧音祈疏強一名𧈧好自摩捋者蓋蠅類

○又江東呼為米牛

蜀

葵中蠶也从虫上目象頭形中象身詩曰蛸蛸者蜀今詩作蠋市玉切○按蜀本从虫又加虫俗字

也○通獨見前獨字注

蛾

羅也从虫我聲徐鉉曰虫部已有蠶或作蠶此重出五何切○按蛾古蠹字禮記蛾子時術之鄭注

蚍蜉也漢皇甫規傳張角著黃巾名為蛾賊注即

蠹字左傳蛾析亦音魚綺反爾雅釋文云蠹本作

蛾蓋蠶化之蠶虫在我下蛾子之蛾虫在我旁此

字下即蠹字訓蚍蜉是蛾本體蠹或體也又尚書

顧命作蟻○通俄漢外戚傳蛾而大幸師古注蛾  
俄古字通

蚘 蚘子也从虫氏聲周禮有蚘醢讀若祁直尼切籀  
文作蠱古文作𧈧○與蚘字異說文蚘訓蜚也

蚘 悉蚘也今俗作蚘非是从虫帥聲所律切○按帥  
本作率是蚘亦可作蚘如醫或為脾可證大徐以  
為俗字似未足據

蠶 蠶蟻不過也从虫當聲都郎切○爾雅釋蟲蠶蟻  
疏蠶蛸母也禮月令作蠶螂按說文無蠶字新附  
乃有之

蜚 蜚斯墨也从虫占聲職廉切○爾雅釋蟲蜚蜚  
注載屬也今青州人呼載為蜚蜚又爾雅蜚毛蠹  
注卽載

蝻 蝻 蝻 蒲盧細要土蟲也从虫聑聲今作螺从或體  
古火切○類篇又魯果切虎喻也與蝻通

蜨 蜨 蜨 也从虫走聲今俗作蝶非是徒叶切○莊子  
鳥足之根為蟬蟬其葉為蜩蜨

蚩 蚩 蚩 也从虫之聲赤之切○一曰無知也詩氓之蚩  
蚩六書正譌別作嗤嗤字非○與蚩字異說文蚩

丑善切蟲曳行也

蝥 蝥 蝥 也从虫收聲今俗作蝥非是蝥即蠹蝥蝥  
之別名也莫交切○按爾雅釋蟲蠹蝥蝥蝥是蝥  
蝥古或通也

蚣 蚣 蚣 以股鳴者从虫松聲息恭切或體作蚣今俗  
作古紅切以為蜈蚣蟲名○爾雅釋蟲蜚蝥蚣  
注俗呼蜚蜈蚣陸機云幽州人謂之春箕春箕即春  
黍蝗類也○釋文蚣本亦作蝥

說文文字通 卷十三

蜎

蜎也从虫周聲徒聊切或體作蜎○按爾雅釋蟲

蜎蜎蜎注蜎蜎五采具又蜎蜎注蜎蜎者蜎俗呼

為胡蜎又蜎蜎注江東呼為蜎截似蜎而小又

蜎馬蜎注蜎中最大者又蜎蜎注蜎蜎也又不

蜎王父注未詳是蜎之大小方言不同其為蜎一

也

蠨

蠨蛸長股者今通作蠨从虫肅聲蘇彫切○爾雅

蠨蛸注小蜘蛛長脚者俗呼為喜子疏引詩蠨蛸

在戶作蠨蛸也

蚺

蛇屬黑色潛於神淵能興風雨从虫侖聲讀若戾

蚺力屯切或體作蚺○按郭璞江賦神蚺蚺蚺以

重游一句中似不應重用疑為二字

蚌

蚌屬从虫丰聲步項切○通蚌班固答賓戲隋侯

之珠藏于蚌蛤玉篇蚌與蚌同

解有二教八足旁行非蛇鱗之穴無所底从虫解聲  
或體作解胡買切○攷工記仄行疏今人謂之旁  
解以其側行故也

蜮短狐也似蠶三足以氣射害人从虫或聲于逗切  
或體作蜮今俗作古獲切以爲蝦蟆之別名○篇  
海亦作蜮通魑張衡西京賦況魑蜮與畢方注魑  
蜮古字通

蛎蛎也从虫兩聲今俗作蜆蜆非是良獎切○魯  
語木石之怪夔蛎蛎周禮作方良史記作蜆閭左  
傳作罔兩並同

蟻善援禹屬从虫爰聲今俗別作蟻非是兩元切

虹虹蜺也也从虫工聲籀文作蜺戶工切○爾雅釋言  
虹潰也集韻與虹同○通重漢天文志抱珥蜺蜺

如淳注重或作虹○又胡貢切馬融廣成頌天地

虹洞

蟬

蟬螻也○今詩作蟬螻聲都計切○通蝦爾雅釋天蟬

蟹

衣服歌謠艸木之怪謂之祿禽獸蟲蝗之怪謂之蟹○集韻亦作蟹○一曰憂也

虫

蟲之總名也从二虫讀若昆古魂切○韻會通昆

蚤

蚤人跳蚤也从虫又聲又古爪字今作蚤从或體子

蚤切○通蚤越語蚤安無失孟子蚤起施从良人蚤然同蚤○通蚤爪曲禮不蚤鬣注蚤讀為爪攷工記輪人眠其綆欲其蚤之正也注蚤當為爪謂幅入牙中者也



蚤

或體作蠛今俗作蚤蝗也从虫夂聲夂古文終字

蠛

職戎切蠛作罔蛛蠛也从虫蠛聲蠛古文絕字側八切

蠛

蚤蠛也今省作蠛从虫曹聲財牢切○爾雅釋蟲  
蟻蟻蟻疏蟻蟻也蟻蟻也蟻蟻也蟻蟻也桑蠛也  
蝎也一物而六名也

蠛

蚤甘飴也一曰螟子从虫鼎聲今作蜜从或體彌  
必切

蠛

蠛人飛蟲从虫民聲無分切○或體作蠛从昏以  
昏時出也俗體作蚊然與蠛同說文蟲部蠛訓蠛  
也

蠛

蠛人飛蟲从虫亡聲武庚切○爾雅翼大曰蠛小  
曰蠛○漢中山靖王傳明月曜夜蚊蠛宵見○通

齒爾雅釋艸齒貝母詩言采其蟲釋文蟲音盲貝母也

蠹 木中蟲也或體作蠹今作蠹从虫橐聲當故切

蠹 或體作蠹此蠹也从虫橐聲縛牟切

蠹 蟲動也从虫春聲古文作蠹尺尹切

蠹 蟲食艸根者从虫象其形吏抵胃取民財則生徐  
錯曰惟此一字象蟲形不以牙書者多誤莫浮切  
○或體作蠹按虫部已有此重出古文作蠹○詩  
及其蠹賊傳食根曰蠹食節曰蠹是蟲亦作蠹不  
必爲重出也

蠹 今作蚘从或體蚘蚘大蠹也从虫蚘聲房脂切○  
通 茫爾雅釋艸茫蚘蚘詩毛傳作茫

蠶 今作蜚从或體臭蟲負蟄也从蟲非聲房未切○  
爾雅釋蟲蜚蠶蟪○通飛史記周本紀蜚鴻滿野  
楚世家三年不蜚飛也作蜚

飊 北風謂之飊从風涼省聲呂張切○通涼詩北風  
其涼

飊 扶搖風也或體作飊从風焱聲甫遙切○通焱爾  
雅釋天扶搖謂之焱

颺 風所飛揚也从風易聲與章切○通揚晉孫綽傳  
颺之颺之糠粃在前詩小雅作簸揚

它 虫也从虫而長象冤曲垂尾形上古艸居患它故  
相問無它乎託何切或體作蛇今俗作食遮切

龜 舊也外骨內肉者也从它龜頭與它頭同象足甲  
尾之形古文作與居追切○音鳩又音止龜茲西

域國名漢書西域傳音鳩地理志音止○又音縻  
龜手見莊子釋文舉倫反

𧈧

蝦蟇也。从黽圭聲。烏姑切。○今通作蛙。周禮蝦氏掌去蠹黽。

鼃

或體作鼃。夫鼃詹諸也。其皮鼃鼃。其行夫夫。从黽夫聲。七宿切。

鼃

鼃。鼃詹諸也。詩曰：得此鼃鼃。今詩作戚。施从黽。鼃聲。式支切。

鼃

或體作蛛。鼃鼃也。从黽朱聲。陟輪切。

鼃

鼃也。讀若朝。揚雄說：鼃，蟲名。杜林以為朝旦。非。是从黽。从旦。今俗作鼃。篆文作鼃。直遙切。○石門頌：鼃。漢疆字。產伯鼃。又鼃省也。

亟

敏疾也。从人从口从又。从二，二，天地也。紀力去吏。二切。○通棘。詩：匪棘其欲。箋：棘，急也。釋文：匪亟，或作棘。○通草。見前草字注。

恒

本體作恆古文作𢆶常也从心从舟在二之間上下一心以舟施恒也胡登切○通𢆶見前極字注

亘

本體作𠂔求亘也从二从回回古文回象亘回形上下所求物也須緣切○通桓鳥亘國名一作鳥

桓

塤

古文作塤四方土可居也从土與聲於六切○今禹貢作隤漢地理志作與

垺

朝歌南七十里周書戰于垺野今尚書作牧从土母聲莫六切

均

平徧也从土勻聲居勻切○通鈞春秋傳均服振振釋文字書作鈞○通治史記夏本紀均江海通

淮泗鄭氏曰均讀曰治○通鈞泰誓厥罪惟鈞以

鈞爲均魏大饗碑夏啟均臺之饗以均爲鈞二字

古通○通韻見前韻字注○通旬見前旬字注

壘

土塊壘壘也从土夫聲讀若逐一曰壘梁力竹切

壘

壘也从土業聲匹角切或體作壘○淮南說林訓

壘

壘也或體作壘从土一屈象形苦對切○一曰我也楚詞九辨塊獨守此無澤兮楚人謂我曰塊○

堪

地突也从土甚聲口含切○徐鍇曰地穴中出也借為不堪字據此與龕同○通戡見前戡字注

堂

殿也从土尚聲古文作坐籀文作臺徒郎切

聖

止也今作坐从古文此與畱同意从土从畱省但

填

塞也从土真聲陟鄰待年二切○通鎮漢高帝紀填國家吾不如蕭何五行志填星曰中央季夏土

鎮𤇗作填○通真檀弓主人既祖填池注填池讀為真徹聲之誤也○通真見前真字注

壙

城垣也从土庸聲古文作壙余封切○按壙為部首古博切今郭字此為古文壙疑重文汗簡有壙

正字作古文庸壙壙字通疑壙為壙字之譌存以俟

坻

小渚也或體作汝作渚从土氏聲直尼切○一曰隴坂也張衡西京賦坂坻截業而成嶽

塗

以土增大道上从土次聲疾資切○古文作聖虞書朕聖讒說聖疾惡也○徐鍇曰字書云此即今

氣字

𡵓

汝頰之閒謂致力於地曰𡵓从土从又讀若兔窟苦骨切○徐鍇曰又手也怪字从此今或作在以怪亦作恠而譌

垠 地垠也。一曰岸也。从土艮聲。語斤切。○或體作圻。

圯 毀也。或體作𡵓。从土已聲。符鄙切。○與圯字異說。

堊 塞也。古文作𡵓。尚書曰：「鯀堊洪水。」今書作湮。从土西聲。於真切。

壞 古文作𡵓。籀文作𡵓。敗也。从土衷聲。下怪切。○按壞有二義：物自敗之壞，如魯城門壞是也；人毀之

之壞，如魯恭王壞孔子宅是也。

坏 止再成者也。一曰瓦未燒。从土不聲。芳梧切。○通

圯 喪葬下土也。从土朋聲。虞書：「圯淫于家。」今書作朋。

為崩。故書朋淫。漢儒引作圯淫。說見通雅。



堯

高也从垚在兀上吾聊切古文作𡗗 ○按本作垚

董

黏土也古文作董董茶如飴內則董苳粉榆又渠客

野

郊外也从里于聲古文作野羊者切 ○玉篇以為

外

築室加上以別之

畷

城下田也一曰畷卻也从田夷聲而緣切 ○通

畷

同 繫傳引作畷 ○通孺漢食貨志田其官孺地孺與

晦

或體作畷六尺為步步百為晦从田每聲莫厚切

尚書母作畝

略

經畧土地也从田各聲烏約切○徐鍇曰春秋傳曰封畛土略又曰侵敗王略○通掠史記外戚世家少君年四五歲為人所略賣漢龔遂傳渤海多略也釋文略本或作蜩○通蜩詩蜉蝣之羽傳渠

畜

田畜也淮南子曰元田為畜丑六切○魯郊禮作蓄从茲田茲益也○錢氏曰畜有三音讀敕六切訓積訓聚讀許六切者訓養讀許救切者訓六畜此字說文作𠩺今人讀六畜為敕六切蓄聚為許六切皆非古音按禮月令務畜菜釋文畜丑六反左傳六畜不相為用釋文畜許又反周禮庖人掌共六畜釋文亦許又反是陸氏未失古音也

暘 不生也从田易聲借為通暘之暘今俗別作暢非是丑亮切

量 界也从畱三其界量也或體作疆居良切○徐鍇曰周禮量字如此指事

勲 能成王功也从力熏聲許云切古文作勛○徐鍇曰古文尚書作此勛字

功 以勞定國也从力工聲古紅切○通紅見前紅字注○通公詩以奏膚公傳公功也樊安碑以公德

加位特進功亦作公○通攻秦嶧山碑功戰日作以功為攻

彊 古文作彊迫也从力強聲巨良切○集韻又舉兩切勦彊力拒也

勉 彊也从力免聲亡辨切○通免漢薛宣傳因移書勞免之谷永傳閔免遁樂勉然作免

勛 勉也周書曰勛哉夫子从力冒聲許玉切○按勛與楸通書予其楸簡相關石經作勛簡說文引勛

哉夫子乃誤記爲楸字曰从力冒聲下云許玉切則又附會勛音勛古楸字漢儒讀東音如詩以勛寡人禮記作以畜寡人注是魯詩故有東音說見通雅

衡

發也从力微聲今俗作撤非是丑列切○集韻本作微

動

作也从力重聲古文作連徒總切

勞

劇也从力从勞省古文作憊魯刀切

券

勞也从力卷省聲今俗作倦渠卷切○徐鍇曰今用倦字無復作此也○正字通與契券之券異券从刀此从力

勇

气也或體作戚古文作𠂔从力甬聲余隴切

勑同力也从三力山海經曰惟號之山其風若勑胡  
頰切○玉篇勑急也○按同心之和从心作協同  
思之和从思作協眾之同和从十作協  
協古作叶或作叶

### 新附

繳蓋也从糸散聲蘇旱切○史記舜以兩笠自扞皇  
甫謚云兩繳也○類篇亦作傘

緯事也从糸牢聲子代切○通載漢揚雄傳上天之  
緯注與載同

蜚南方夷也从虫延聲徒旱切○一作蜺俗作蜚

境疆也从土竟聲居領切經典通用竟

坊邑里之名从土方聲府良切古通用防

勢盛力權也从力執聲舒制切經典通用執

右卷之十三

說文字通 卷十四

吳縣高翔麟著

錫

銀鉛之間也从金易聲先擊切○一曰細布也禮  
雜記加灰錫也史記相如傳被阿錫○爾雅釋詁  
賜也集韻又斯義切本作賜

鍾

銅屬从金連聲力延切○徐鍇曰史記長沙出連  
錫卽此也

錄

金色也从金录聲力玉切○徐鍇曰今借爲領錄  
字○通麓舜典納于大麓傳麓錄也納舜使大錄  
萬幾之政○通綠劍名荀子性惡篇文王之錄注

鑄

銷金也从金壽聲之戍切○通祝禮樂記封帝堯  
之後于祝注祝或作鑄

鈇

可以持冶器鑄者从金夾聲讀若莢魚之莢一  
注曰若挾持古叶切○通夾莊子說劍篇韓魏為夾  
注古洽反一本作鈇

鍛

小治也从金段聲丁貫切○徐鍇曰椎之而已不  
銷故曰小治○通股左傳哀十一年股脯釋文股

亦作鍛穀梁傳莊二十四年棗栗鍛脩注丁亂反  
脯也○通礲詩取厲取鍛釋文本又作礲

鏐

陽鏐也从金隊聲徐醉切○徐鍇曰周禮司烜氏  
掌以夫遂取明火于日注云夫遂陽燧也

銼

鎮也从金坐聲昨禾切○通挫史記楚世家兵銼  
藍田○集韻昨木切或作鏃

鎬

温器也从金高聲武王所都在長安西上林苑中  
字亦如此乎老切○通部洪範傳以箕子歸鎬京

釋文本又作部



𨮒 或體作𨮒酒器也从金𨮒象器形大口切○今作  
鉶石經毛詩酌以大𨮒以祈黃耆今詩作斗非周  
禮作豆亦此字之譌○斲字从此

鑪 鑪斗也从金焦聲卽消切○徐鍇曰史記注刁斗  
云以銅作鑪器受二升晝炊飯夜擊持行也據此  
鑪與刁同

銷 小盆也从金冑聲火立切○通涓史記楚世家王  
行遇其故銷人注今之中銷萬石君傳作中涓  
鉉 舉鼎也从金立聲胡吠切○通局士冠禮設局鼎  
注今文局爲鉉釋文局鼎扛也○通絃戰國策矛  
戟折鏐鉉絕鉉與絃同

鐵 鐵器也一曰鑄也从金鐵聲今俗作尖非是子廉  
切

鐙 錠也从金登聲錠中置燭故謂之鐙今俗作燈非  
是都滕切○徐鍇曰楚詞蘭膏明燭華鐙錯以此

○廣韻豆有足曰錠無足曰鐙○通鼻見前鼻字  
注○又都鄧切正字通馬鞍兩旁足所踏也

鏹 鏹也一曰平鐵从金產聲初限切○通剗木華海  
賦鏹鏹臨崖之阜陸○通產鮑昭賦鏹利銅山

鑪 方鑪也从金盧聲今俗作爐非是洛故切○通鑪  
左傳定四年鑪金初官于子期氏釋文鑪本又作

鑪氏也金名漢書古今人表作鑪

錯 金涂也从金昔聲倉各切○通厝見前厝字注○  
通措史記周本紀刑錯四十餘年不用○通錯史

記高祖功臣年表蒙侯陳錯索隱注漢書作錯

鍼 所以縫也从金咸聲今俗作針非是職深切○又  
巨咸切姓也春秋傳有鍼巫氏鍼莊子

鉤

或體作鉤鉤也。从金御聲。魚舉切。○徐鍇曰：鉤，猶犬牙也。

鉞

大鉞也。一曰劍如刀裝者。从金皮聲。敷羈切。○方言：鉞，謂之鉞。○通鉞。史記：高祖功臣年表：長鉞都尉。漢書作鉞。○通披。荀子：正名篇：無鉞。滑注：鉞與披同。

鑿

穿木也。从金鑿省聲。在各切。○黥刑也。漢刑法志：其次用鑿鑿。○又漕去聲。攷工記：輪人凡幅，量其鑿深。釋文：鑿在報反。○與鑿通見。前鑿字注。

銛

銛，屬从金舌聲。讀若揆。桑欽讀若鐮。息廉切。○通銛。賈誼過秦論：非銛于勾戟。長鍛也。史記：秦始皇紀作銛。

錢

銚也。古田器。从金戔聲。卽淺昨先二切。○按周禮作泉。史記：天官書下有積錢。注：錢古作泉字。○通

錢

錢

錢

卷十四

琖酒器也續鍾鼎銘有雀錢○又馬飾也古樂府  
鐵炭金而青連錢

鐮 鉄也从金兼聲力鹽切○集韻或作鎌

鐮 鐮也从金契聲苦結切○方言刈鉤自關而西或  
謂之鎌或謂之鉄○通斬戰國策鉄朝涉之脛尚  
書作斬○通刻見前刼字注

鈇 鉄鈇也从金占聲一曰膏車鉄鈇敕淹切○通鍼  
周禮射鳥氏并夾注鍼箭具釋文鍼其爰反或作  
鈇

鈇 鈇也从金取聲陟葉切○徐鍇曰猶簡也

銳 芒也从金兌聲籀文作𠂔以芮切○一曰鐵也爾  
雅釋山銳而高嶠○五音集韻又弋雪切

𠔁 鐵朽也从金曼聲毋官切或體作𠔁徐鉉以木部  
已有此爲重出○通攷孟子毀瓦畫墁與𠔁同爾  
雅作𠔁

銚 𠔁也十銖二十五分之十三也从金𠔁聲周禮曰  
重三銚北方以二十兩爲銚力𠔁切○按攷工記  
冶氏戈戟皆重三銚劍重九銚注三銚一斤四兩  
大書故說文十銖二十五分之十三爲銚則三銚  
不得爲一斤四兩也且戈戟纔重三十一銖爲已  
輕矣至以二十兩爲銚則劍重九銚十有一斤四  
兩爲已重矣亦不然也𠔁銚皆六兩其實一字書  
呂刑其罰百𠔁傳六兩曰𠔁○集韻或作率  
銚 八銖也从金垂聲直垂切○一曰鍛器莊子大宗  
師在鑪銚之間○又直僞切稱銚也博雅權謂之  
銚其形垂也

鈞 三十斤也。从金勾聲。居勾切。古文作。通均。見前。均字注。

鈚 兵車也。一曰鐵也。司馬法：晨夜內鈚車。从金巴聲。伯加切。○正字通：耒屬五齒平土除穢用之。俗作耚。○一曰箭鏃薄鏃也。

鈴 令丁也。从金令聲。郎丁切。○通幹：周禮巾車大祭祀鳴鈴以應。雞人注：故書鈴或作幹。杜子春云：當為鈴。

鎗 鐘聲也。从金倉聲。楚庚切。○通鑑：詩：倬草有鶉。釋文本亦作鎗。同。○通鑑：史記：樂書：非聽其鏗鎗而已。漢禮樂志：但能紀其鏗鎗鼓舞。潘岳藉田賦：衝牙鉦鎗鏘然作鎗。○六書故：三足鬲也。俗作鎗。按說文：鎗訓鎗鎗也。

鑿金聲也从金輕聲讀若春秋傳曰鑿而乘它車今傳作鑿苦定切○正字通說文鑿訓金聲金薄聲越故从輕鑿一足行也讀若鑿非鑿卽鑿諸韻書合爲一非是○惠氏曰說文足部無鑿字蓋卽脛字之異者

鋤或體作錄牙也从金從聲七恭切今音楚江切

鐔牙戟秘下銅鐔也秘板也从金享聲徒對切○通鐔曲禮進牙戟者前其鐔釋文本又作鐔○通鐔喪大記殯以幬橫注幬或作鐔○一音純通淳晉語戰以鐔于丁寧注鐔于形如碓頭與鼓相和丁寧鉦也鐔于或作淳于

鉦車轂中鐵也从金工聲古雙切○廣韻鎗也謝朓詩蘭鉦當夜明○按班固西都賦金鉦銜壁漢書

趙后傳壁帶為黃金釭是壁之橫木如帶以金為釭若車釭之形俗誤以金釭為釭并誤以釭為釭尤非

錢車驚聲也从金戍聲詩曰鑿聲錢錢今俗作錢以錢作斧戍之戍非是呼會切○按說文錢越戕然从戍聲戍無噬聲古司馬法作戍經典作錢疑錢為戍之重文似不必以為非也

錫馬頭飾也一曰鏐車輪鐵从金陽聲今經典作錫與章切

鋪箸門鋪首也从金甫聲普胡切○通痛周南我僕痛矣釋文本又作鋪按大雅淮夷來鋪傳鋪病也○韻會賈肆也今俗作鋪非

鈔义取也从金少聲今俗別作抄楚交切○正字通楮貨名一曰騰寫也○通抄管子幼官篇教行于



鈔注鈔末也

鐺

殺也徐鍇曰說文無劉字偏旁有之此字又史傳所不見疑此卽劉字也从金从𠂔刀字屈曲傳寫誤作田耳力求切○按左傳虔劉我邊垂本此字

鉅

大剛也从金巨聲其呂切○通詎戰國策臣以爲鉅王鉅速忘矣注鉅詎通○通遽荀子正論篇是豈鉅知見侮之不辱哉鉅與遽同

𣎵

平也象二干古賢切○羌名漢趙充國傳先靈罕𣎵師古注羌之別種此下言罕𣎵之屬皆聞知明詔下又云大𣎵小𣎵則罕羌族姓殊矣

勺

挹取也象形中有實與包同意之若切○通酌內則十三舞勺注勺與酌同漢郊祀歌勺椒漿師古

注勺讀曰酌○玉篇亦作杓

与 賜予也一勺爲与此与與同余呂切

尻

本體作肩處也从尸得儿而止孝經曰仲尼尻尻

処

今作處从或體止也得儿而止从几从父昌與切  
○徐鍇曰詩曰爰居爰處以爲居者定居處者暫處而已

且

薦也从几足有二橫一其下地也子余干也二切  
○古文作且又以爲几字○通焦爾雅六月爲且  
一作焦漢書相如傳巴且卽巴焦○通起易夬卦  
其行次且釋文本又作起或作阻同○通沮婁壽  
碑榮且溺之耦耕沮亦作且○正字通阻本作且  
因且字義廣故別加半肉作俎以別之

斯析也詩曰斧以斯之从斤其聲息遺切○通纒禮

斯問喪雞斯注當爲笄纒聲之誤也○通鮮詩有兔

斯首箋斯白也今俗語斯白之斯作鮮○一曰賤

也漢左雄傳職斯祿薄注斯賤也

斷截也从斤从斷古文作劓作劓徒玩切○斷按古

文絕斷意也今俗相承作斷从墜于義未合

料量也从斗米在其中讀若遼洛蕭切○史記孔子

世家料量平○通捋莊子盜跖篇料虎頭編虎須

注料捋也

幹蠡柄也从斗幹聲揚雄杜林說以爲軺車輪幹烏

括切○又古緩切通軺前漢百官公卿表幹官注

幹主也主均輸之事

斗平斗斛也从斗聿聲古岳切○徐鍇曰今作較○

斗玉篇與角通禮月令角斗甬鄭注角平之也○通

顛見前講字注

斗

斛有斗从斗𠂔聲一曰突也一曰利也爾雅曰

斛謂之𠂔古田器也說文無𠂔字疑𠂔象形兆聲

今俗別作𠂔非是土雕切○正字通以爲古量器

漢律歷志量者倫合升斗斛有𠂔焉上爲斛下

爲斗左耳升右耳合倫其狀如爵按說文由部𠂔

𠂔亦訓高器部𠂔曰𠂔疑𠂔卽𠂔之異文系釋器分不似斗似

牙

齒牙也象形古文作𠂔莫浮切

矜

牙柄也从牙今聲居陵巨巾二切○史記曰鉏耰

棘矜六書略借爲矜憐之矜○又姑頑切通鯨詩

不侮矜寡禮王制老而無妻者謂之矜鰥也作矜

二字古互用如漢于定國傳哀矜之矜亦作鰥也

車

籀文作𠂔輪輿之總名象形尺遮切

軒曲輶藩車从車干聲虛言切○通憲禮樂記武坐致右憲左注憲讀爲軒聲之誤也

輶陷隙車也从車童聲尺容切○徐鍇曰詩臨衝閑閑衝假借衝俗又作衝

輿車輿也从車昇聲以諸切○史記封禪書作輿

輯車和輯也从車耳聲秦入切○通揖辭典輯五瑞史記漢書然引作揖魏孔羨碑揖五瑞亦以揖爲輯○通輯漢兒寬傳統輯羣言師古注輯輯與集

較三字然同車騎上曲銅也从車交聲古岳切○今通作較

輶車約輶也从車川聲周禮曰孤乘夏輶今巾車作第一曰下棺車曰輶敕倫切○玉篇輶與輶同檀弓荒塗龍輶輶亦敕倫切注載柩車

輶 車伏兔下革也从車屢聲屢古昏字讀若閔冒殞切○今俗作輶亦作輶輶玉篇輶車伏兔也

軹 長轂之軹也从車氏聲渠支切○或體作軹與軹字異說文軹訓大車後也丁禮切

專 或體作輶車軸端也象形杜林說徐鍇以為指事于歲切

輶 籀文作輶輶也从車舟聲張流切○通倂漢董皇后傳汝今輶張即倂張也

輶 車衡載轡者从車義聲魚綺切或體作輶○徐鍇曰爾雅鑣謂之鑣載轡謂之輶然則鑣與輶異疑此說文本脫誤

載 乘也从車戈聲作代切○通戴詩周頌載弁休休禮月令載以弓韣戴然作載○又古文尚書載然作觀石鼓文酉車觀道

軌車微也从車九聲居洧切○通籩公食大夫禮設黍稷六簋于俎西注籩古文作軌○通宄見前宄字注

擊車轄相擊也从車从殸聲周禮曰車輿擊互者古歷切○通殸漢景帝紀農桑殸畜言農桑促密而難畜也與周禮擊互同義二字音義並同○按師古注又以殸爲古繫字

輦抵也从車殸聲陟利切○徐鍇曰潘岳賦如輦如軒軒舉也按說文無輦字此卽輦字

輦大車輶端持衡者从車兒聲或體作輶作輶五雞切

輦連車也一曰却車抵堂爲輦从車差省聲讀若遲士皆切○徐鍇曰春秋傳輦車鮑點輦車官名今傳作差○張衡東京賦輦于東階

官 小阜也象形今俗作堆都回切

官

吏事君也从山从自自猶眾也與師字同意古丸切○通雅官秦權作官官从目聲目古環字訛爲呂古宦轉環音環轉官音漢張公廟碑國無災穡卽災患則官有宦音此一証也古文守字或从官从宀則自臣通用又一証也从自省不如从官省

官

大陸山無石者象形房九切古文作𡵓今通作阜

陸

籀文作𡵓高平地也从自圭聲力竹切○爾雅釋魚魁陸䟽卽魁蛤也○又碌碌一作陸陸漢馬援傳今更共陸陸

陂

阪也一曰沱也从自皮聲彼爲切○通波史記貨殖傳水居千石魚陂灌夫傳陂池田園漢書然作



波○通頗見前頗字注○通槌史記樂書商亂則  
槌其臣壞徐廣曰槌今禮作陂也

阻險也从官且聲側呂切○通沮詩亂庶遄沮禮儒  
行沮之以兵正字通𣎵與阻同○通淹史記魯世  
家勤勞阻疾徐廣曰阻作淹

陝隘也从官夾聲今俗从山非是侯夾切○與陝字  
異陝从二入此从二人說文陝訓古虢國也失冉  
切

隄啟也从官區聲今俗作崎嶇非是豈俱切○集韻  
與阻同

隊從高隊也从官𣎵聲徒對切○徐鍇曰顛隊字本  
無土也按檀弓退人若將隊諸淵樂記上如抗下  
如隊墜𣎵作隊○通碌通隧見前碌字注

陸敗城自曰陸从自𡗗聲說文無𡗗字蓋二左也眾

力左之故从二左今俗作墮非是許規切○篆文作墮按與墮同禮月令毋有壞墮釋文墮本又作墮

墮落也从自多聲今俗作墮非是徒果切

阬閼也从自亢聲今俗作坑非是客庚切○通岡揚雄甘泉賦陳眾車于東阬師古注大阜也讀若岡同

隤古文作隤通溝也从自賣聲徒谷切○玉篇與隤同

防或體作墜隄也从自方聲符方切○通房史記項羽紀封楊武為吳防侯漢地理志作吳房○通方漢功臣表汁防肅侯雍齒史記作什方

附

附婁小山也从自付聲春秋傳曰附婁無松柏徐鍇曰今傳作培假借符又切○通祔雜記大夫

附于士注附讀爲祔○通腑漢劉向傳臣幸託肺

譽

譽商小塊也从自从史史古文黃字去衍切○遣字从此

隃

北陵西隃廡門是也从自俞聲傷遇切○通踰漢黃霸傳再隃冬師古注隃與踰同○又通遙趙充

國傳兵難隃度師古注隃讀作遙按說文無遙字新附乃有之

阮

代郡五阮關也从自元聲虞遠切○按五阮漢地理志作五原正韻阮古原字

陪

重土也一曰滿也从自音聲薄回切○通培詩以無陪無卿釋文陪本又作培

𨾏

陋也从自𨾏聲𨾏古文𨾏字烏懈切今作隘从𨾏文○通阨戰國策太子辭齊王歸齊王隘之注隘

讀作阨

𨾏

塞上亭守邊火者从𨾏从火遂聲徐醉切今作墜

壘

壘也。从土力軌切。○徐鍇曰：今但作壘壁。

亞

醜也。象人局背之形。賈侍中說：以爲次第也。衣駕切。○一曰：物之岐者，俗或作了。極。○通惡。史記：盧

縮傳：孫他之封亞谷侯。徐廣曰：亞一作惡。○通渚。

渚，沱禮器作惡池。秦詛楚文作亞駝。○通壓。如杜

甫詩：花蕊亞枝紅。又花亞欲移竹。𦵏與壓同。○韻

會：擺極稻也。一作罷亞。○按：正譌云：亞本塗飾字。

餘皆借義。旣爲借義，所奪小篆加土作壘字，又加

心作惡字，以別之。亞壘惡實一字也。

九

陽之變也。象其屈曲究盡之形。舉有切。○通糾。莊

子：天下篇：禹九雜天下之用。注：九讀糾糾，合錯雜。

也○通鬼史記殷本紀九侯徐廣曰一作鬼侯○通久容齋隨筆九作久陽數九爲老久義也玖黑色玉借作玖非

尫或體作迢九達道也从九从晉渠追切○徐鍇曰一道爲一首壘土高也

𠂔本體作內今作蹂从篆文獸足蹂地也象形九聲人九切

离山神獸也从禽頭从𠂔从𠂔呂支切○徐鍇曰春秋傳魍魎离魅莫能逢之今傳作螭○通離晉宣帝紀司馬公尸居餘形神已离

萬本體作𠂔蟲也从𠂔象形無販切○埤雅蜂一名萬○又數名舞名又姓也

戊中宮也象六甲五龍相拘絞也莫候切○鄭樵曰戊凶撫切卽成字○按戊本讀茂後避唐諱讀如

務梁開平中司天監言日辰內戊字請改爲或以  
朱溫父名成戊類成也詩吉日維戊與阜醜字叶  
古讀茂也

成 就也从戊丁聲氏征切古文作成

巳 古文作巳中宮也象萬物辟藏訖形也居擬切○  
韻會對物而言也○又姓商頌韋顧昆吾箋皆巳  
姓也

𦵏 籀文作𦵏不受也从辛从受似茲切○今與言辭  
之辭通用魏楊修傳絕妙好辭

𦵏 籀文作𦵏訟也从𦵏猶理辜也似茲切○亦與辭  
受之辭通用大禹謨稽首固辭

子 古文作𠂔籀文作𠂔有髮臂脛在几上也十一  
月陽氣動萬物滋入以爲偁象形卽里切○通慈

禮樂記易直子諒之心韓詩外傳子諒作慈良

**𠄎**

生子免身也从子从免徐鍇曰說文無免字疑此字从𠄎省以免身之義通用爲解免之免晚寃之類皆當从𠄎省芳萬切今俗作亡辨切○按錢氏以解免字卽免字見前免字注

**孟**

長也古文作𠄎从子皿聲莫更切○一曰大也管子任法篇高言孟行○通勉班固幽通賦盍孟晉以迨羣注孟晉勉進也○通明見前明字注○通盟見前盟字注

**𠄎**

古文作𠄎汲汲生也从子茲聲子之切○通字堯典鳥獸𠄎尾史記作字微○通攷表記俛焉日有攷攷卽𠄎𠄎也

**𠄎**

無右臂也从子象形居桀切○通戟左傳莊四年授師子焉又周禮司戈盾注戈有旁出者爲句

子○蟲名淮南說林訓子子爲蟲注倒跂蟲也化爲蟲子音厥

孛謹也从三子讀若翦旨充切○正字通孛與孛通史漢書吾王孛王也韋昭曰孛仁謹兒○六書統孛與進同

孛盛兒从孛从日讀若蕤蕤一曰若存魚紀切○籀文作孛一曰孛卽奇字孛也○徐鍇曰靈光殿賦芝栢攢羅以戢孛

去或體作𠂔从到子卽易突字不順忽出也易曰突如其來如不孝子突出不容于内也他骨切  
育或體作毓養子使作善也从去肉聲虞書曰教育子今書作胄余六切○通鬻詩鬻子之閔斯樂記毛者孕鬻然與育同



疏通也。从流疋聲。所殖切。○徐鍇曰：白虎通書之教



巳也。○與𠄎字通。說詳𠄎字注。巳也。四月陽氣已出，陰氣已藏，萬物見成，文章故巳矣。巳為蛇象，形詳里切。○韻補古巳午之巳亦讀如巳矣之巳。

呂用也。从反巳。今亦作巳。賈侍中說巳意巳實也。象形羊止切。○錢氏曰：古人讀似𠄎，皆如巳。詩於穆

不已。孟仲子作於穆，不似是巳。似同音禹母吞薏苡，因姓𠄎氏。意巳即薏苡，是巳如同音。又春秋傳定𠄎公羊作弋，弋𠄎聲相近。詩美孟弋矣，弋即𠄎也。○按漢書以皆作呂，師古注呂古以字。

午本體作𠄎，𠄎也。五月陰氣午逆，陽冒地而出，此與矢同意。疑古切。○京山曰：古午五通，日中為午。一縱一橫之象，推之或作𠄎，變為午。按周禮壺涿氏午貫象齒，鄭氏注午故書作五。

申

本體作申古文作籀文作神也七月陰氣成

體自申束以曰自持也吏以舖時聽政申旦政也

失人切○按周禮注信圭音申刻人形伸也躬圭

刻人形屈也晉書樂志七月之辰謂之申申者身

也言萬物身體皆成就也此可合看說文申束之

意說見通雅

申

擊小鼓引樂聲也从申束聲羊晉切○徐鍇曰詩

酉

應申縣鼓今詩作田鄭氏曰田當作申小鼓也

就也古文作八月黍成可為酎酒象古文酉之

形與久切○與卯字異卯為春門萬物已出卯為

秋門萬物已入閉門象也

醢

濁酒也从酉盞聲烏浪切○徐鍇曰周禮有盞齊

釃

酒也从酉釃省聲陟离切○五音集韻又他禮切

與醢同

醖爵也一曰酒濁而微清也从酉菱聲阻限切○通

醖客酌主人也从酉昔聲在各切今俗作倉故切○徐鍇曰易曰可與醖醖又特牲饋食禮尸醖主人

注今文醖曰酢

醖私宴飲也从酉區聲依倨切○徐鍇曰醖猶醖也○通飫詩飲酒之飫韓詩外傳作醖

醫治病工也从酉王育說一曰醫病聲酒以治病周禮有醫酒於其切○通醖周禮酒正辨四飲之物

二曰醫鄭司農以內則漿水臛醫與臛相似一物疏內則云臛此云醫文字不同一物也內則釋文臛本又作臛

酋禮祭束茅加于裸圭而灌鬯酒是爲酋从酉从艸春秋傳曰無以酋酒今傳作縮所六切○通蕭周

禮旬師祭祀共蕭茅鄭興曰蕭字或為蒿蒿讀為

酸酢也亦曰寒酸酸酢也亦曰寒酸酸酢也亦曰寒酸

醖醖漿也醖漿也醖漿也醖漿也醖漿也

醕醕也醕也醕也醕也醕也

之變也○急就篇醕醕醕醕醕醕醕醕

醬古文作醬古文作醬古文作醬古文作

尊俗以尊作尊俗以尊作尊俗以尊作尊俗以尊作

見前宗字注

亥

亥也十月微陽起接盛陰从二二古文上字一人男一人女也从乙象褰子咳咳之形胡改切古文作不與豕同○李陽冰曰古文亥比豕減一畫耳不本象豕形篆文乃作二首六身說文謂豕爲豕希爲修豕豕爲豕走不旣爲古文豕又謂古文亥是象豕字音義一豕希豕字音義三也戴氏曰豕爲豕頭猶止之有中竿之有从馬之有易自不得別立爲字也按墜蟲皆以豕爲聲漢書蟲吾戾一作蠱从豕晉語浚于豕牢韋昭曰厠也豕與矢同音又與稀近故豕韋氏作稀韋封豕作封稀稀苓作豬苓明一字也轉注略亥又音几豕蠱稀亥亥同聲說詳通雅

新附

釵

釵屬从金義聲本只作义此字後人所加楚佳切

釵

裂也从金爪聲普擊切○左思蜀都賦釵規兼呈

轍

車迹也从車徹省聲本通用徹後人所加直列切

醒

醉解也从酉星聲按醒字注云一曰醉而覺也則古醒亦音醒也桑經切

右卷之十四終